

दिनांक 06.08.2025
 समय: 18.45 बजे
 आकाशवाणी जयपुर—अजमेर
 प्रादेशिक समाचार

- प्रधानमंत्री नरेन्द्र मोदी कर्तव्य भवन-3 ने सरकार की प्रतिबद्धता और हर एक जगह की सेवा की कोशिशों की प्रतीक बताया।
- आरबीआई रेपो रेट में कोई बदलाव नहीं कीने— साढ़े 5 फीसदी की लेवल में बरकरार।
- राज्य सरकार चुनाव विभाग में सगळी निकायों की चुनाव दिसम्बर महीना में एक साथ करार की सिफारिश करेला।
- ऊर्जा मंत्री हीरालाल नागर स्मार्ट मीटरों ने सुरक्षित बताया कि जनता में किंग ई में भी गलतफहमी की राखण सारू कह्यो।

.....

प्रधानमंत्री नरेन्द्र मोदी आज नई दिल्ली में कर्तव्य भवन-3 की उद्घाटन कीने। प्रधानमंत्री कर्तव्य पथ में बनी जगह में नुवा भवन की दौरे कर र ई की खासियत की जानकारी लीने। ई मौके केन्द्रीय आवासन और शहरी विकास मंत्री मनोहर लाल ई मौजूद हा। ओ भवन सेंट्रल विस्टा परियोजना की हिस्सा है। ओ आवता साझा केन्द्रीय सचिवालय की कई भवनों में ऊँ पहली भवन है। ई की मकसद प्रशासनिक प्रक्रिया में बेहतर और चुस्त-दुरुस्त करणो है। ई उपलक्ष में श्री मोदी की अब ऊँ थोड़ी देर पछे एक सभा में संबोधित करण की कार्यक्रम है। प्रधानमंत्री की काल नई दिल्ली में भारतीय कृषि अनुसंधान संस्थान पूसा में एम.एस. स्वामीनाथन शताब्दी अंतर्राष्ट्रीय सम्मेलन की उद्घाटन और सभा में संबोधित करण की ई कार्यक्रम है। कार्यक्रम में खाद्य और शांति सारू पहला एम.एस. स्वामीनाथन पुरस्कार ई दिया जावेला। ई अंतरराष्ट्रीय पुरस्कार की तहत खाद्य सुरक्षा में सुधार, जलवायु न्याय, वंचित और हाशिया में आया समुदायों की बराबरी सारू योगदान देवण वाळा विकासशील देशों की लोगों ने नवाजा जावेला। सम्मेलन की मुद्दो सदाबहार क्रांति, जैव-खुशहाली की मार्ग राखी ज्यो है।

.....

विधानसभा अध्यक्ष वासुदेव देवनानी दिल्ली में लोकसभा अध्यक्ष ओम बिरला सागे मुलाकात कीनी। वे केन्द्रीय कानून मंत्री अर्जुनराम मेघवाल सागे ई वहाँ की रहवास में जा र मुलाकात कीनी।

.....

राज्य सरकार जैसलमेर जिला री भणियाणा तहसील मांय विद्युत उपकेन्द्र खोलण सारु जमीं आवंटन री मंजूरी दे दीनी है। 765 के.वी. रो ओ केन्द्र फूसासर गांव मांय 80 हैक्टेयर जमीं माथे बणायो जावेला।

.....

भारतीय रिजर्व बैंक री मौद्रिक नीति समिति रेपो रेट साढ़े 5 फीसदी रा लेवल माथे ई राखण रे फ़ैसलो कीनी है। ई सागे ई स्थायी जमा सुविधा दर सवा 5 फीसदी अर सीमांत स्थायी सुविधा दर अर बैंक रेट पौने 6 फीसदी रेहवेला। ओ फ़ैसलो फरवरी महीना ऊं हाल ताई करी ज्यी सौ आधार अंकां री कटौती पाछे अर आवता त्यौहारां ऊं पैली करी ज्यो है।

भारत ऊं मंगाया जावण वाळा सामान माथे अमरीका कानी ऊं फीस मांय बधोतरी रे बावजूद आर.बी. आई चालू माली साल रा सकल घरेलू उत्पाद— जी.डी.पी. मांय बधोतरी री रेट साढ़े 6 फीसदी रा लेवल माथे बणी रेहवण रा आसार जताया है। मौजूदा माली साल मांय महंगाई मांय बधोतरी री रेट 3 दशमलव 1 फीसदी रेहवण रो अनुमान है, जो जून महीना रा 3 दशमलव 7 फीसदी ऊं कम है।

.....

11वाँ राष्ट्रीय हथकरघा दिवस काल मणायो जावेला। ओ दिन हथकरघा उद्योग अर बुनकरां रा योगदान ने समर्पित है। राष्ट्रीय हथकरघा दिवस रो ई साल रो मुद्दो **“मेरा हथकरघा—मेरा गौरव : मेरा उत्पाद—मेरा गौरव”** राख्यी ज्यी है। पेश है एक रपट—

.....

नगरीय विकास मंत्री झाबर सिंह खर्चा कह्यो है के सरकार निकाय चुनाव री तैयारी कर लीनी है अर ई सारु अधिसूचना जारी कर दीरीजी है। वे आज नागौर मांय खबरनवीसां सागे बातचीत कर रह्या हा। वे कह्यो के अब सरकार चुनाव विभाग ने कागद लिख र **“एक देश—एक चुनाव”** रा आधार ऊं दिसम्बर महीना मांय राज्य रा सगळा नगर निकायां मांय चुनाव री सिफारिश करेला।

.....

ऊर्जा मंत्री हीरालाल नागर कह्यो है के प्रदेश मांय बिजली तंत्र ने मज़बूत बणावण सारु नुवी तकनीक री मदद ली जा रही है। श्री नागर खबरनवीसां सागे बातचीत करता थकां कह्यो के बिजली री पूर्ति अर वितरण मांय स्मार्ट मीटर खास काम रा है अर वां ने ले र सियासत नी करी जावणी चाहिजे। वे कह्यो के जयपुर डिस्कॉम मांय जीरो डिफेक्ट मीटर रो दायरो बध्यो है अर अजमेर अर जोधपुर डिस्कॉम मांय ई जीरो डिफेक्टिव मीटर लगावण रो हुकम दियो ज्यो है।

.....

शिक्षा मंत्री मदन दिलावर जनता ऊं देशी सामान काम लेवण री अरज कीनी है। वे आज उदयपुर मांय विभागीय खरीद प्रणाली मांय बदलाव रो हुकम जारी करता थकां कह्यो के महकमा रा कामां अर जरूरतां सारु दिसावर ऊं आया सामान री खरीदी माथे रोक रेहवेला। श्री दिलावर कह्यो के आत्मनिर्भर भारत अभियान ने तेज करण, स्थानीय कारीगरां, नान्हा कारोबारियां अर भारत रा न्यारा—न्यारा ब्रॉण्ड ने बधावो देवण सारु ओ फ़ैसलो करी ज्यो है।

.....

हर घर तिरंगा अभियान देश रा हर रेहवासी ने घर माथे तिरंगो झण्डो फहरावण ने बधावो देवे है। तिरंगो झण्डो म्हाणा भेळा मान अर एका रो दरसाव करे है। इण ई भावना सागे संस्कृति मंत्रालय तिरंगा रा बारा मांय जाग जगावण सारू **हर घर तिरंगा प्रश्नोत्तरी होड़ 2025** राख रह्यो है। इण मांय जीतण वाळां ने ईनाम दिया जावेला। सवाईमाधोपुर जिला मांय ई **हर घर तिरंगा** अभियान **हर घर स्वच्छता** अभियान सागे चलायो जा रह्यो है। म्हाणा खबरनवीस बतायो के आज विद्यार्थियां ने तिरंगा रा इतिहास अर महत्त्व री जाणकारी दीरीजी।

.....

राखी रा त्यौहार ने ध्यान राखता थकां पाली मांय जिला कलेक्टर रा दफ़तर कने राजीविका रा खुद सेवक समूहां री ओर ऊं हाथ ऊं बणी राखियां अर दूजी सामग्री री दुकानां लगायी ज्यी है। राजीविका री जिला परियोजना प्रबंधक सविता टी बतायो के आज सरू व्ही आ स्टॉल काल तांई चालेला। वठे संवारे 10 ऊं सिंज्यां 5 बज्यां तांई खरीदी करी जा सके है।

.....

प्रदेश मांय चौमासा री बिरखा रो दौर फिलहाल मंदो पड़ ग्यो है। लारला चौबीस घंटा मांय राज्य रा घणखर हलकां मांय घणो मेह नी बरस्यो, हालांकि डूंगरपुर, बांसवाड़ा अर करौली समेत कठे-कठे व्ही हल्की बिरखा ऊं उमस बध ग्यी। श्रीगंगानगर, बीकानेर, जैसलमेर अर बाड़मेर मांय गर्मी रो असर बध ग्यो अर पारो 36 डिग्री सेल्सियस ने पार कर ग्यो। मौसम महकमा रे मुजब आवता 4-5 दिन तांई घणखर ठोड़ां बारिश व्हेवण रा आसार नी है। ध्यान जोग है के ई चौमासा मांय हाल तांई राज्य मांय औसत ऊं 81 फीसदी बत्ती बिरखा व्हे चुकी है। 1 जून ऊं 4 अगस्त तांई सामान्य तौर ऊं 237 मिलीमीटर व्हे है, जदके ई साल हाल तांई 428 दशमलव 4 मिलीमीटर बारिश व्हे चुकी है।

.....